

Dua anggota panel siasatan BERSIH 3.0 berundur

MalaysiaKini.com

June 04, 2012

Oleh Nigel Aw

Dua orang anggota panel siasatan perhimpunan BERSIH 3.0 mengundurkan diri daripada panel yang ditubuhkan Kementerian Dalam Negeri itu.

Pengerusi panel berkenaan, Tun Hanif Omar berkata dua tokoh berkenaan ialah bekas Ketua Hakim Borneo Tan Sri Steve Shim dan pengurus besar kanan hal ehwal korporat Petronas Datuk Medan Abdullah.

Bercakap dalam satu sidang media hari ini Hanif berkata, Shim memberikan alasan kesihatan manakala Medan pula mempuyai perkara lain yang perlu diuruskan.

Keputusan untuk mengisi kekosongan itu akan dibuat kerajaan tidak lama lagi, katanya.

Individu lain yang menganggotai panel tersebut ialah pengasas kumpulan Karang kraf Datuk Hussamuddin Yaacob, penasihat undang-undang Media Chinese International (kumpulan Sin Chew) Liew Peng Chuan dan professor psikologi Universiti Kebangsaan Malaysia Ruszmi Ismail.

Copyright © 1999-2012 Mkini Dotcom Sdn. Bhd

Source: <http://www.malaysiakini.com/news/199923>